





懷栢先生詩集

贈送卷之三

贈楊三庵 諱本仁

南山已捷北山福此地有山人不知瀛海三峯  
同廣大乾坤一柱自撐支西齋爽氣看長在北  
闕炉香忽已馳鰲背有情終負載願據仁厚固  
深基

贈楊東菴





扶桑初景旭霞香呼吸精華氣愈昌深鳳十洲  
天香：蒼龍七宿夜煌煌：丘家素業儒文舊謝  
履青山世慮忘一掬春風生物意小吟梁甫卜  
行藏

送林太守弟景輝

九江山水亦松江琴劍清風一釣航才氣凌雲  
今有幾年神凝雪世無雙黃堂眼暖親情重白  
戰才高士論降言別燒燈真繾綣夜深應罄數

嬰缸

送林惟善公繩妻姪

西遊不省是何名姑丈新陽問候情鳴鹿笙歌  
殊歎洽神駒共驟最精英朱陳婚媾仍桑梓魯  
衛家聲亦弟兄歸去也須勤問學出人頭地是  
科名

寄子黃梅令諱行慶

兩月羞看俸入餘汝終臣職我歸與

一疽病



呻吟息白髮庭幃福壽於老淚兩行恰苦宦好  
風雙耳聰佳髮脂韋最是今通譽弊清慎嚴明  
莫放踈

典彭大訓

客懷牢落只誰云十日蘄陽只有君洗濯此心  
如白雪飛騰何日不青雲清時憲度休輕視前  
輩英雄亦要聞珍重官階從漸陟臨岐分首更  
慇懃

贈慈谿孤鶴翁

天地何來放此談溪雲水月共涵涵老懷太極  
一圈子醉影池亭兩破衫有夢聖賢隨即到無  
州山水未愁監明朝相憶公何去幾點梅花個  
石巖

贈醫田千兵求

乾坤已錯浪詩名此道寥寥更許評醫國且堪  
疑誹木定山真足考生平七中一念倉公術刪



後千年大雅情從此無言真的當堯夫分付與  
齋銘

贈星命者和東白先生韻

人間何許臥誰龍談命談星半醉中且莫相逢  
開口易老夫富貴是岑通

贈任地官叅議福建

圖盡風雲已放看一言那且濫渙竿十年定坐  
求心易萬古相逢屈指難歸我舞雩曾浴後送

誰一風漢更江干武夷倘進孤舟夢九曲歌聲月  
滿灘

送吳運使

病野山眉愛打寬也無湖水也無官不知天竺  
蒼峰月曾照崆峒老道冠騎鶴揚州真十萬啖  
齋天甕自愛酸肯知老癯何時脚公冕渙蓑看  
兩般

寄沈慎之



鴈蕩天台且未堪春潮能許挂江帆空山十丈  
丹崖裡一個痴人一草菴  
老拙原無半寸長逢君不語只空狂白頭靜裡  
焚香坐長記移舟過溧陽

寄沈延平

昔年清沈每南京昨日臨江沈更清世上清渾  
俱莫問且擔書籍過延平

本分生平豈只清偶將清字累先生樂天知命  
吾何有閒與人閒管不

寄吳撫州

深山忝竊舊相知既別還勝未別時老魯秋來  
如不到靜中間看浴雲池

萬古人心萬古真續騷亭上續騷人間來莫恠  
山中坐不是前年活水春

縣桃臺柏已無休五馬金谿亦細侯知我尚多  
狂妄意有人大刻在黃州



贈豐城李士達

白髮今何去來過亦此天子能留幾日吾且慶  
雙泉世事雲難定青山雨結綠好看溪上月還  
與共衰年

寄沈提學先生

三年詩到楚江分張拭求詩更柰君老面平生  
非故冷山歌廊廟本難聞貧交揣盡惟當日老  
硬磨消亦世紛可得更辭門外客小樓春到盡

夜薰

風江拈筆便詩還剛滿衡山又泰山天地放公  
千方外煙霞老我一丘閒鷓鴣可學鷓鴣大顏  
子難教禹稷閒欲寫相思愁不答梅花折盡釣

臺灣

契合乾坤各有情雲臺那與釣臺爭平生自覺  
真難信我輩公知不好名水石姓名非我註風  
雲人物是天生移官更近西巖老一月詩筒到



幾評

與張通政住天峰草閣數日告別奉贈以

詩

青山久不拜車塵忽坐天峰草閣春十載別離  
渾憂寐一言肝肺幾經綸平生意氣那盃酒明  
日梅花是故人送向孤舟還天拜滿江煙浪欲  
無津

寄司馬先生

溪雲魯每拜公失共我漢莎濫釣臺萬里不知  
皇極手誰家今又點蓬萊

書來無語不言還出處誰能可等閒公有鳶飛  
魚躍意武夷山亦會稽山

糟粕將無此學看三年一語聽終難白頭肯許  
相忘地更與瀟溪拜肺肝

別無書寄去無詩形迹都忘老病時昨夜朱絃  
彈絕意只惟溪月洞雲知



寄羅洗馬先生

舊學相期祗自云一言議論正紛紛  
白頭看盡浮雲過明道先生果與誰  
青天萬事本無窮巢許夔龍各不同  
一笑肯容千古地他年端慶有溫公

寄高廉憲

萬里煙花繞劍溪古今萬事本難憑  
我看忠厚平生處便是人間大福星

何處相逢許故知明良千古是深期  
定將無地樓臺意付與山中魏野詩

送張伯顯教長

為貧千古一官同何更人間管化工  
夫子幾人還木鐸杏花明月是春風  
世無先覺那成我天且南川足見公  
努力步趨真不忝也先原委到山翁

贈衡州龐檢校之官袁州都事



浪蕩分宜眼又開題詩何處是蓬萊石鍾蘇李  
雖天與南嶽朱張已袖來天馬有空須放馬鞭  
楠無地莫悲材老狂也直無憑據吟爛沙頭月  
一臺

南山為滁陽傅公作

雲水芒鞋不放勞半床秋占子縮袍肯誰眼孔  
無窮在見此人間一個高西華有人徒費買北  
征無句敢同豪可知萬古蒼峰頂更有青天屬

我曹

寄婁一齋

烟烟平生心白日青天在深山南斗高無夜不  
再拜江門風月詩蓮塘水花趣安得二先生傾  
倒鶯湖寺朱學本不煩陸學亦不簡先生一笑  
中皓月千峰晚斯文久寂寥所望未云絕一夜  
老頭顱添却千莖雪

贈施工節勉仁工部嗣也



老屋溪雲病欲深幾年長許拜幽尋我雖白鹿  
煙霞主君搃西山父子心薄酒每堪留幾兩朱  
絃聊許托孤琴別離肯遣他時夢失恨桃花何  
處尋

贈婁武庫贊理白亞卿治小黃河

丈夫天地皆吾事迂野誰呼送別歌病裡我真  
徒白首此中君自有黃河經綸誰許神功在疏  
鑿其如水性何肯許司空容及此禹功千丈倘

重磨

寄湖南劉憲副同年

青雲聊驥尾芳草遠天涯夢卜青山隔天留白  
髮知江花龍洞酒湖雨岳岳洗詩莫恠希夷睡諸  
公在盛時

楊瑤司訓考滿之京

九年芹穎擁臯比壇杏春風講道時戶屨泥多  
今雨好江風天遠客星遲著邊枝癢思當局囊



裡鋒寒欲露錐分汝東南一州縣龔黃事業不  
須疑

廣信婁懌領應天鄉薦蓮塘先生子也

秋榜群賢起各經衰然吾子沐榮登科場天豈  
真婁學尺度聊存應世能千里計偕須勸駕幾  
年俗債了寒燈家庭此外饒誰語向上工夫更  
幾層

東劉天官文綱

十年幾度兩京遊一飯深憑夙夜酬世上可能  
金鑄像山中空想石支頭此心聊逐寒灰動吾  
道寧隨薄俗流憂樂有懷誰解道文章千古岳  
陽樓

重題周總戎不敢負朝廷處

玉帶佩兵符昂昂七尺軀飛塵千里恨明月此  
心孤勲業畱中秘威聲走北胡報恩吾有  
魚一飯敢躄蹠



東蘇戢方文簡時自山海關歸

款款清譚動紫髯玉關廳事擁深嚴客中歲久  
鄉音改海上山多野味兼吟社不妨吾輩老歸  
裝真見此公廉玉河橋下春冰泮好共花前酌  
酒拈

送別同年劉尚文太守

西署心期舊最知可憐相見又相離更無他計  
留君住獨有清風慰我思江海暫時千里遠廟

堂何待十年遲河南共說吳公治勲業從今可  
讓推

謝醫姚昌裔求

一語裁成謾古今幾年天夢欲沉沉疲癯偶拜  
千年手天地誰知一已心活我真茹屋老春  
風人亦杏花深酒盃爛醉姚昌裔不若溪山抱  
膝吟

賀思齋公子納寵



海上流雲翳彩鸞月明風細珮珊珊  
春無價嫩玉微皴夜有寒千里忽成雲  
雨會一  
粵深酌此宵歡侯門妾媵知何數  
繡幙風光次第看

飲馬氏園贈童子馬國馨

日轉芭蕉雙竇鳴飛飛蜂蝶喜初晴  
衰翁醉臥溪園暖一曲春牛和國馨

六歲能誦吾春牛之句

贈張進士廷實入京

五年不出獨何心萬里行囊又一琴  
難寫別離今日意江門春水不如深

贈金谿黃邑侯考績之京

清潤黃君玉一團六年枳棘暫栖鸞  
來從民域行三異去上天曹換一官  
垂柳借風留去旆落花和雨點清鞍  
舉頭咫尺長安近帝里風霜走馬看

分得銅章出鳳池雙鳧翼翼下金谿  
花明紫陌



春三月梅浸冰壺月一枝民里飛蝗澤不入田  
家睡犬足生鬻今朝述戩天曹下早上烏臺換  
錦衣

竹叢深處鷓鴣啼相送官亭酒一卮今日鄧攸  
誰可稅明朝何武孰無思千條弱柳垂青鎖一  
品僊卷端紫薇去金門期奏最珮聲歸去鳳  
凰池

送劉剛太守號約齋

檢束身心全此真尋常懷抱自家春盤中蔬菜  
有餘味屋裏琴書無點塵草草三間非避俗温  
温一語也驚人不須更問希夷事看取東風兩  
鬢銀

贈楊醫士

春波門外一閑翁煉就還丹臉似童鷗夢半醒  
芝草綠鶴巢深鎖杏花紅肱經九折成高藝艾  
畜三年錄遠功我有平生醫國手到頭慚愧不



如公

王東溪書屋二子昌盛俱發科

臘甕香薤兩筋冰君心清節共稜稜堦前草色  
千崖雨樹裏書香五夜燈白髮紅塵嗟老大青  
霄丹鳳看飛騰雞林誰解收 墨見說年來價  
倍增

送進士欽安歸潮陽字廷舉通守鄭崇信  
之門人

南北悠悠去住心少年勲業看侵尋榕陰舊路  
親庭近杏苑春光 帝里深黃鳥畱人室好  
韻青山隨處是新吟梅關見月應回首携李風  
清思不禁

贈虛齋蔡先生

分携不省復齋咨還我瀛洲舊鳳池天地賢才  
原有數風波人世苦多岐春暉寸草迎來祉時  
雨菁莪去有思孔孟濟時心最切勲名不帝上



鼎彝

剛方少貶絢童見此論於公付一嘆汲黯得君  
還復入蘇章行部故無私才高文妙詩猶妙世  
治言危行亦危珍重藍梅人望久山林傾耳聽  
何施

贈祝封君刑部主事祝惟真之父

兩棹東風携李亭却齋揮盞眼偏青坐中清論  
空凡俗物外高標自典刑白髮滄洲吾道在青

山煙雨此心溟鷗邊烏帽無人問萬里雲霄一

客星

花時端不廢清哦只欠東風木屐過野蝶精魂  
春夢閣遠峰眉黛暮秋多閑尋石室清狂伴困  
憶金杯漱灑波十載離官貧故在祗應吾道屬

漁蓑

贈李志遠少叅兩湘旬宣名吳

柴門處處望行旌越水吳山此日情葭管乾坤



春次第壺天霜月夜分明高垣詩思秋薇靜下  
邑歌聲晚稻晴畱取甘棠後人頌南溟風翻看  
脩程

贈陳大用二守之楚淮

鴛鴦湖在何處嘉興城南百餘步中有一尺之  
長紅鯉魚上有百尺之高青柳樹大舟載酒小  
舟附使君開宴朋僚聚馮夷擊鼓天吳舞秋風  
吹波天欲溟美人棄我登長路人生離合真有

數百年翕忽如晨露柳枝贈君君不顧莫負雙  
魚詩尺素

題劉仕元侍御思親

魯庭遺訓隔寒蕭烏烏情深且復宵冬日比窓  
憐霽景晚山秋木怨驚飈白頭坐食官厨慣黃  
低頰來隴墓遙忠孝百年風化在青雲衢路聽  
民謠

贈施紀廷練赴通許司訓代同年過太僕



作

桂香秋晚隔銀蟾  
泮水清街慰久淹  
紅杏小齋分講席  
青藜高閣亂書籤  
雲霄斗近人應仰  
首著盤空趣未厭  
明月江樓多別思  
春風尊酒待同沾

寄子黃梅邑宰

諱行慶丙辰進士後擢御史

一官清白是前程  
喜汝居官頗著聲  
磨撫瘡痍須豈第  
芟除荒穢要嚴明  
江山日暖花爭放  
天

此霜寒物自成  
老我一身供應懶  
百年門戶仗誰撐

呈方邑侯

鉛鋒一剗萬牛空  
春任先生笑語中  
東閣開尊遭社雨  
西郊驅馬得幽風  
乾坤鼎鼎儒須用  
上海盤盤道自通  
蕞爾陋邦真借重  
明廷行見奏膚功

贈俞憲陳吉夫東坦遊學蘭州



乘龍華館啖仙桃  
冰玉交輝此地遭  
南國師承  
義畫妙西州門第省  
元高全牛在目堪遊  
必徒  
等摩空不受條  
蟾窟一枝應到  
手定揚清馥動  
吾曹

黃

懷栢先生詩集

感懷卷之四

嘉興初度

四十三年七尺軀  
綵舟風雨更長途  
桑蓬舊喜  
憐男子江海新  
銜愧大夫報國肯  
因踪跡改思  
親常與夢魂俱  
故園茅屋今無恙  
頭白歟名敢  
念渠

思親



青山望望若遮欄生死愁多隔舊歡  
恩肯  
草堂鸞誥在霜推秋葉蟻封寒江湖放國雙藥  
表巔藻他鄉一病官歲久音容真覺遠羨墻悽  
愴若為看

病中遣懷兼呈此山君譙號此山

臥病悠悠思往年起來長揖謝名牽黃花門徑  
柴桑宅茅屋神僊抱璞篇未死豈知官是幻相  
逢惟有酒差賢雞鳴雙珮雲霄裏誰信山林別

有天

花枝鳥裊朝仍雨野水鱗鱗晚更風官府簿書  
因病廢閭閻生計值荒窮風流已落諸公後迂  
拙何堪百貴叢誰向崆峒倚長劒功名場裏角  
雌雄

寫懷

群芳稍稍得春深一竅天機矧自鳴五十頭顱  
空老大百年光景幾晴陰山番梅雪延清賞海



運鵬風慰遠心應有蓬萊客我住閑愁無路得  
相侵

感舊

死花零落拂征鞍亭榭參差紫翠攢大適屢遭  
仍得雋知音一遇便成彈交游渙散詩壇冷江  
海蕭條袖刺漫鏡裡勲名慚老大百年空負五  
梁冠

漫書

寂寞梅仙守市闈且饒林下一人閑東方伎倆  
真徒飽左竹功名亦厚顏橘隱獨高千百著管  
窺時見二三坵折腰斗粟妨良貴不是鴻鈞賦  
予慳

獨坐府東小亭三疊舊韻

朱絃有韻恒三嘆長缺無魚又一歌八載專城  
仍著我九重上道竟如何煙霞風骨官成贅花  
柳時光睡作魔屋上青山山下水小舟隨處蕩



鷓波

憶故園梅花

霜滿空林月滿欄金尊檀板思清歡橋邊枯樹  
半眠水舍比小枝猶耐寒索笑杜陵貧徹骨能  
詩和靖老無官揚州東閣非難折不似孤村雪  
裏看

雨後漫成

殘雷殷殷弄虛聲落日東南蟬竦橫海上長竿  
聊袖手漢陰老甕是關情浮雲有態時時變其  
澤無私物物成飽食端居亦何事謾將人事卜  
陰晴

雲倚長空如碧岑頃臾變化杳難尋桔槔俯仰  
渾無用舟楫江湖尚有心灑灑亂流爭學海陰  
陰濃綠各成林呢喃雖燕營新壘臺閣風高力  
未任

病中苦梅雨



江南四月黃梅雨乍煥乍寒真困人蒼苔屐齒  
尚俗客皂蓋遶頭今病身茶烟入戶微微駐竹  
潘通池脉脉勻泉石不關京洛夢素衣猶恨化  
淄塵

家兄遊宦遠方舍弟家居悵然有懷

紫荊丹桂拍門闌錦被爭如布被歡樞馬長鳴  
思遠道草池幽靜阻春寒清風栗里仍烏角白  
髮名都尚舊官三徑不歸真俗客菊花同約晚

年看

八月初六日入貢院寫懷兼呈陳繡衣汝  
礪陸少叅文量

客懷清淡與秋宜人事驚心兩鬢知入夜寒蛩  
悲似訴隨楊新鴈到如期高垣古棘塵喧靜小  
院孤燈睡自遲驛上頭街依舊在壇陰槐樹莫  
相疑

初場



聖主掄材此地宜  
冥搜心事自家知  
魯經陸贄持衡地  
便是昌黎得雋期  
榆樹影高仙泛遠  
桂花香冷夜歸遲  
九方相馬惟憑骨  
牝牡驪黃總不疑

二場

老将登壇鑒賞宜  
文衡如水鬼神知  
千金一字縣高價  
獨鷲三秋慰遠期  
思入幽玄枯銳在  
陽回天地太音遲  
摩挲白壁看雙足  
搔首西風忽

自疑

三場

曉粧新樣學時宜  
只尺君恩未可知  
夜靜燈花傳密喜  
秋高瞻桂定佳期  
瑤池僊果三偷去  
金鼎還丹九轉遲  
座主眼高頭自點  
朱衣暗裏事堪疑

又

文章光艷奪晴霞  
藻鑑懸空絕點瑕  
萬馬驟空



酣午戰九雷驅雨  
茁春芽荆山淚盡  
連城霹桂府香浮  
貫月槎明日街衢  
應滾滾彩旗簫鼓  
是誰家

次陳侍御寫懷

曉夜疲勞肯斲休  
百年公器抱深憂  
鷓鴣北徙天連海  
鴻鴈南飛月滿樓  
鳳闕煙消文運轉  
烏臺霜冷劍光浮  
人才關係應非小  
竹帛勲名一萬秋

柏臺風動老烏枝  
文劍真勞大將司  
零落堦除薰桂馥  
孤根籬落到花時  
惟憑公道昭廷論  
獨秉忠貞結主知  
旋取清泉洗雙眼  
為公三嘆讀新詩

滄溟襟度浩無濱  
楚水南來第一人  
藻鑑秋清明徹底  
絲毫年遠動如神  
彈成絕唱朱絃古  
磨到無瑕白璧新  
歸去一囊奇寶在  
百年憑仗蒼楓宸



乾坤公事此堂登擊節高歌感慨增吾道盛衰  
憑一卷客窓寥落對孤燈湖中載酒今年未  
上題詩舊日曾淺薄無緣答知遇不勝幽恨苦  
相仍

清明有感兼柬此山

江城錫酌記流年日落滄洲夜夢帝暮臘旋風  
榆柳火春愁長抱蓼莪篇高原綠樹聞啼鳥古  
井蒼苔蓋昔賢海上有仙誰載酒東風辜負杏

花天

暮春有感

佳辰如寄轉悲悽雨過山城鳥亂啼遊子年光  
芳草恨東君歸路落花迷齋中脩禊誰高詠舍  
北催耕我瘦藜走馬東華非舊夢客星寥落大  
江西

酒杯詩卷謝芳年歸與春爭一着先  
檣馬有心長萬里箔蚕無恙足三眠  
羲皇枕上高人趣雲



懷朴先生詩集卷之四  
八  
夢胸中達士天解愠新聲真絕唱鸞膠誰解續  
朱絃

病中懷歸喜公綬侍御元節公矩二太守  
見訪

幽鳥林間語韻乖雪光晴色盪空堦尋常破屋  
來今雨無數好風吹我懷一代青標看翰簡百  
年高興外形骸病暈耐可還堅坐酒後頻將兩  
眼揩

偶成

華裾慷慨謝清塵迷抱宛延繞故津進退無慚  
終耿耿是非難辨故諄諄棄捐實比溝中斷培  
養虛勞造化仁為瑟未工羞自售白頭東海有  
垂綸

積氣蒼蒼內有神豈無宮闕肅簪紳虛明鑒物  
疑懸鏡重疊用人如積薪海道一舟真棄置雲  
雷千載要經綸商聲寄與同心和今古茫茫幾



屈伸

又寫懷

老去愁多病覺深  
遣懷聊學越人吟  
雪篩霜米呈春瑞  
月暈風車破晚陰  
江海舊交誰不面  
乾坤萬事我何心  
簿書日日如山積  
莫怪脩脩兩鬢侵

撫斷霜鬕思轉深  
紙窓淅淅助人吟  
煙霞景好真勞夢  
花柳時來又遇陰  
南國一枝非舊業  
西

江三畝是初心  
柴門松竹依然在  
墻脚苔青野水吟

城西寓居雨坐

花開風雨苦尋陵  
腸斷城西有髮僧  
盡省香爐違舊夢  
青雲盃酒負良朋  
年華似水那能住  
春夢如煙詎可憑  
只待滄溟紅日上  
搏棗高處看

鷓鴣

客至



杖屨從容叩我關幽人神觀自安閒市荒簞豆  
無兼味軒靜圖書有訂頑老屋經春生木耳素  
衣沾酒上梅斑聰明不及初心負聽徹高談益  
厚顏

石徑青苔幾屐痕主賓香茗共涼暄博山烟起  
烏皮潤縹帙篇成兔穎髡塵尾高論能疊疊鷄  
壇清會故源源林棲徒翮華年在好趣長風快  
一騫

舟次京口有懷舊長官袁仕瑩

晚湖京口舟初亂古驛床頭酒正釀粉署舊知  
鴻燕跡書雲新事馬牛風背城寒漏侵孤枕隔  
岸驚颺度遠鍾咫尺好懷成落寞夜深猶冀夢  
魂通

止酒月餘情悰索然謾賦

造化小兒真反覆麴生於我亦炎涼一官已到  
二千石百歲只消三萬觴未報恩波韓愈老欲



填溝壑杜陵狂獨醒詎敢矜漢父紅日丹霄幾  
斷腸

淵明止酒意非真我亦清齋過一旬客館有詩  
聯石鼎侯門無地吐車茵一州山水滁翁趣千  
古竦狂杜老貧舉世滔滔俱是醉乾坤誰作獨  
醒人

一春心事付芳樽隣曲相招意氣存笑學鯨鯨  
吞大海醉拈鸚鵡巖朝暎宦情已似魚驚餌人  
也真如蝨處禪止酒淵明還好酒江潭誰慰獨  
醒魂

獨坐有感

瞑目胡床午游心遠古初鳥聲林屋靜雲影石  
泉虛耕鑿人歸後杯盤俸入餘流光書史在生  
計未全踈

浮雲垂雨意積水湛天光鼻息勻勻細爐烟裊  
裊長拙嫌鸞轉巧閒咲燕飛忙柄用嗟紈扇天



時恐易涼

彭城懷古

玉帳秋風舞鏡鸞  
玲瓏悲淚共珊珊  
天空義帝游魂遠  
日落龍且戰骨寒  
宮燼已深秦主怨  
鴻溝徒結沛公懽  
當年戲馬臺前景  
都付明時過客看

歸思

歸鳥翩翩戀舊林  
此間應有故鄉心  
夜難消遣應勞夢  
秋不歸來枉寄音  
愁對月明思白髮  
恥隨塵俗重黃金  
雷題滿壁無知者  
待與何人相續吟

懷友

理學成迂俗學狂  
中行獨自蹈康莊  
直從科第參賢聖  
更向干戈揖帝王  
道體固知存土苴  
天機何必論驪黃  
人人自擬登壇拜  
會見先生自舉幢



已酉秋七月得

肯許致政當歸時執事塲屋不得即歸九月文  
塲事竣買舟具江浩歌四首超然而去蓋  
人生之喜莫大乎衣錦歸老田間也

少小趨朝老大歸回頭深覺昔年非試看野鶴  
雲霄下只傍渙翁水竹飛人世似棋誇結局書  
香如佛看傳衣臨歧不作揚朱泣四序功成合  
道機

老子胸襟湖海深強顏塵世豈初心摩空黃鵠  
忽遽舉落日野蟬猶亂吟何處可回江上駕此  
身應殉舜間琴小舟風月南歸路一筥蕭然帶  
有金

名途歲久動多憂筋力雖強亦合休鄉社有人  
尊齒德廟堂無夢見伊周雲連泰華雙吟屐天  
入東南一釣舟縱使紅塵高萬丈也應飛不到  
林丘



臺駭郡駕更休論只愛田家老瓦盆  
郁郁見孫守經訓煌煌金紫照衡門  
漁歌牧唱清風遠夏鼎商彝古意存  
蹇拙尚堪敦雅俗百年持此答皇恩

杭州道中寫懷

陰陰桑柘帶橫橋蒲藕深中蕩短橈  
紅樹簾櫳歌徹夜青山城郭塔凌霄  
小童牛背橫吹笛老父漁舟坐締蕭  
吳越君臣今寂寞百年遺恨付

江潮

常山道中寫懷

拾舟策馬酒微醺滿目詩情未易云  
人影寒泉開月鏡鳥聲高樹動銀竹  
四方岐路江頭合兩省封疆驛外分  
懷玉山前家咫尺未應塵夢尚紛紛

弋陽道中寫懷

三日滄江趣不窮靈山隨處對開蓬  
鴈侶號空



烟水白烏栢樓樹葉霜紅河上雙垣新甲第屋  
邊千嶂古僧宮秋風好景未成句沙鳥無情也  
笑公

舟中吟明詩歸選

綠樹坐黃鸝青秧點白鷺睡起倚舡窓知是江南路

今夜宿河西無眠但數更並船何處客吹笛到天明

懷栢先生詩集

祝壽卷之五

慶壽

竹露松冰肝肫寒老人風槩後生看秋深紫蟬  
初登俎陽遠真鴻正漸盤夫婦康寧吾願足子  
孫賢俊此心寬雲山重起無多路曾有詩翁主  
將垓

賀吳敬七句



冰霜深處老松青  
梅放幽香柳眼醒  
大地伐礮張賀宴  
新詞傳譜付官伶  
門高素業香山舊  
泉石清風鄭谷馨  
甲子泥途誰記憶  
年：開落在仙冀

賀 孺人壽

相夫教子成儒業  
白髮青雲享壽安  
雪裏漁樵挺雙鶴  
鏡中天地舞孤鳶  
清風久仰鄉閭懿  
楷範長留婦女看  
膝下諸孫俱玉立  
謝庭此日長

芝蘭

梅雪菴英華七卷

六月襟懷洒靈玉  
誰人清似雪菴清  
小陂花樣自然別  
南極壽星如許明  
第下生徒當小集  
鼎中龍虎解長生  
山林一味公卿福  
傳語烏輪仔細行

壽松園為袁提學咏

海岳精神玉雪姿  
龍虬鱗甲棟梁儀  
願將今日



無窮意壽我邦家億萬期

賀壽

烏紗斜界墨痕新  
大軸詩詞取次伸  
地擁群芳呈好景  
天由純嘏谷深仁  
桂山桂九人喜萱  
幕慈親歲二春  
共道太平多樂事  
碧桃花裏岸烏巾

慶壽

地行仙子享 遐齡道岸先登樹  
典型篆結烟雲

香案上龍光偏射老人星

壽江揮使代秉彝作

寒入高堂燭影微  
壽星和雪共清輝  
蟻香春泛新醅  
綠獸錦恩深舊賜  
緋卻氏家聲真好學  
遊翁心事獨知非  
華筵客散還相集  
富貴年來已息機

壽蘇州劉叅將代同寅毛秉彝作

將臺寒雪霽長庚  
畫戟森嚴繡綵明  
虎帳萬家



雙節駐龍沙千里一戈橫  
朝廷重舊應推轂  
人物思賢合典兵  
杯酒高堂稱壽處  
春風隨處動  
懽聲

壽王倫通判母五表  
此時王為順天府

訓導

笑對南山作主賓  
遙飛一盞壽高人  
天恩

曠達教分祿地位  
清高許卜隣  
軒冕明時踰十葉  
乾坤真樂有雙親  
梅酸正脩調  
羹用請看稍

頭栲裏仁

壽孫太宜人

流霞漱灑凸金盃  
繡幕圍春壽域開  
帝錫

遐齡酬令德天扶  
明聖產奇才  
靈萱花好年

年看喬木根深  
日日培最喜小孫能  
向學一丸

清苦夜深陪

王節婦八十

二十孀居今八十  
柴門風雨揜春深  
相思惟有



窓前月照見虛明一點心

祝鶯溪先生老兄壽

清尊臘蟻紫蒲香寶燭金倪夏景長世世吾家  
重陰德年年此日好風光無榮無辱心何累有  
子有孫家自昌小任林泉三百歲博桑晞髮醉

朝陽

沼花墻蕊競香詩景撩人故故長兩歌東郊  
千嶂紫雲開南極一星光烏紗半醉容能整白

髮高唵氣愈昌鄉社憑公作張主酒徒強半在  
高陽



懷栢先生詩集

稅講卷之六

稅沈秋官乃尊

人間罔極報能窮  
姪舜勞勞幾念中  
一語小堂空白髮  
百年老淚各秋風  
封書贈典恩誰別  
翠閣青山事果同  
痴把大中風月計  
許能因我更隨公

稅香巖和尚為僧寂菴作



東坡先生詩集卷之六  
一  
來來去去非真幻此理人間本妙哉公是寂菴  
吾敢問師今何去昔何來  
鐘磬誰打定山魂那有三才別立根我正向公  
公已死豈勝哀淚洒乾坤  
死却香巖未可談個中何者不香巖靜無動有  
吾何說試著西菴寂老叅

挽吳呂山

古今生滅誰與言十二萬年天一元道人欲作

呂山哭一溪明月湖東軒

東風流蕩呂山歌野月有興到已多轉首煙花  
雖易別老天晉與太湖波

挽孫弁僉憲先任太尹御史

下邑鳴絃庶績成內臺飛簡百僚驚青天心事  
同吾黨白髮功名送此生架有遺書家與少門  
無俗屨酒樽盈西風一掬相知淚寄與東流日  
夜聲



悅戶部邊郎中夫婦都憲邊鏞之父

東曹擢筆士夫稱中婦承筐女婦矜老景齊山  
歸然屨書香白屋到堂仍文章正藉科名重勲  
業終期汗簡憑臺柏霜寒烏夜泣幾行清淚對  
孤燈

悅徐經歷父母代丁守正侍御賦

百年華屋青山下二老清風白髮前家富有書  
能教子日長無事且耕田竹窓舊事編摩盡蓮  
幕新街寵數偏回首古溪人已遠夜深霜月自  
娟娟

悅雲錦吳靜樂

長繩誰解繫西曦八十年光黍一須蘋水晚香  
脩歲事桂林秋雨偃高枝乾坤未了南華夢江  
海新傳有道碑野鳥如歌還似哭東風寒食落  
花時

悅袁侍御龍川



何處龍川去不歸山南山北雨雪飛晚風晴卷  
三千尺好與評筵作舞衣  
憶昔青陽動海濱隔年草木預知春如今行路  
無顏色盡是青陽去後人

挽丁明府彥誠

六年官守斃諸難七月孤兒護一棺作縣未逢  
真事會濟人初試小還丹思張公道多遠俗人  
叙年勞不轉官今日桐鄉須愛我還公俎豆黃

雲間

挽陳方伯耻菴

乾坤如此老沒齒向斯文公自滄浪水人無穀  
鯨君衣冠全素履江海挹清芬病起須持酒青  
山欲到墳

中年倦俯仰上疏乞山林  
龜勉南州牧遲回北極心  
民蒙三日雨世病一鉤金  
珍瘁轂悲處龍蛇歲直今



稅汪山僉憲先任行人御史

使節臺驂幾處臨  
月明霜冷始終心  
江山有恨空豪傑  
天地無情易古今  
老柏翠含精爽見  
野棠陰在淚痕深  
西風一曲誰家笛  
越水吳山思不禁



